

## DE VARIOLIS

punt, aliæ tardè, & aliæ post eruptionem augentur, aliæ euanescent. Postremò ab euentu morbi; vnde variolæ aliæ in abscessum desinunt, aliæ discutuntur &c.

Signa variol. & morbill.

27. Variolæ & morbill. cùm iam perfectè in cute eruperunt, per se facile dignoscuntur. Antequam verò erumpant, imminentes præfagire oportet ex symptomatibus quæ consequuntur ebullitionem sanguinis, & vehementem naturæ conatum dum ad expellendum infurgit. Nam ob ebullitionem sang. & perturbationem naturæ præcedere plerunq; solet febris continens, quæ vt plurimum impetuosa est, cum calore magno potiùs quàm acri. Deinde totius corporis ardor, grauitas & punctiones, frequens pandiculatio & palpitatio, capitis grauitas & dolor, delirium, totius faciei rubor, lacrymæ copiosæ, narium auriumq; pruritus, sternutatio, terrores per somnum & phantasmata rerum rubrarum & coruscantium, oris exiccatio, sputum crassum, raucedo, difficultas spirandi, aut angustia in pectore & guttute, dorsi dolor, magna anxietas & inquietudo, tremor manuum pedumq; , aliquando cordis palpitationes, epilepsia, aliaque symptomata, pro dispositione corporis, & impetu humoris in partes ruentis.

28. Vrina in hoc affectu nullum certum præbet indicium: Verùm plerunq; sanorum similis aut subpallida, subtilis, interdum paululùm turbata; alius vt plur. suppressa, quòd natura aliò humores propellat. Verùm morbilli citiùs plerunq; erumpunt quàm variolæ, & cum minore dolore dorsi, maiore siti, ardore, inquietudine, & febre acriori magisq; ardente. Adiungenda sunt his signis contagium vagans, si tùm temporis variolæ aut morbil. grassentur, aut æger cum illis conuersatus fuerit, qui tali morbo laborârunt. Communiter verò variolæ magis veris & æstatis initio fiunt, morbilli æstate & autumnò.

29. Vbi